

浙江文叢

國權

〔第十八冊〕

浙江出版聯合集團
浙江古籍出版社

浙江文叢

國權

〔第十八冊〕
卷五十四至卷五十六

江出版聯合集團
江古籍出版社

〔明〕談遷 著

國權

起萬曆四年盡萬曆七年

丙子萬曆四年

正月乙未朔庚子上親祭太廟御文華殿講畢語張居正
曰昨傳應禎誣朕欲杖之先生何不欲也對曰小臣無
足論上曰前有疏救應禎者言其母老朕按其齒錄惟
父在而顧云母不欺朕哉居正曰言官不及詳耳上復
顧呂調陽張四維曰昨文書房以疏至閣二先生默如
也宜同心體國毋避怨

萬曆四年

癸卯工部左侍郎何寬提督京通倉廩

癸卯總督倉場戶部左侍郎畢鎰言太倉老庫專局鑄外庫專支放嘉靖二十三年老庫支八十八萬九千兩餘一百十三萬六千四百八十兩歷隆慶三年財一百萬八千七百六十九兩萬曆三年新舊合七百三萬四千二百八十七兩宜增老庫百萬封貯數歲但外三百九十餘兩各邊主客兵年例修城賞賚官俸商價俱資之須加節省上曰然

乙巳吏科給事中王希元調雲按察司僉事

丙午鑄分守下川雲南關防

丁未巡按遼東御史劉臺上言三事更援兵以蘇疲鎮
慎互市以伐敵謀廣墩臺以資保障上是之

戊申翰林院侍讀羅萬化予告

改廣西洛容縣治於靈塘移慶遠守備於池河徵東蘭
西丹那地兵各五百戍柳州

瞿九思曰洛容城垣僅九畝不下二十丈而縣尉謝
漳以單騎巡檄萬山中可謂壯士及帝發難竟受
金創而死死於封疆誠封疆之臣哉然洛容永寧之
捷幾至五千大將軍功豈不偉歟嗚呼永寧得升為
州不二三載乃復為獐苦今何如矣

己酉高郵清水隄決

甲寅宣大總督方逢時加兵部尚書兼右副都御史

左軍都督府僉事武定侯郭大誠掌南京左軍都督府
事泰寧侯陳良弼掌南京右軍都督府

丙辰蘇州大安口草塲火

丁巳巡按遼東御史劉臺劾張居正專權威福如逐大
學士高拱私成國公朱希忠王爵引用張四維張瀚不
以廷推斥遣余懋學傳應禎等幾空言路為固寵計則
獻白蓮白燕為子孫計則假京堂巡撫以為報翰林院
不親政事而初為章奏考成江陵膏血已空而大啓遠

禁宮室上大怒命錦衣衛逮之臺出居正門以刑部員外郎改御史不私其德遼東捷御史不當報臺誤報居正裁之度不得免極論居正自辯曰臣之必以去為請者非得已也臣之所處危地也言者方以為擅作威福而臣之所以代主行政者非威也則福也自茲以往將使臣易其塗輟勉為異順以悅下耶則無道於負國之罪將使其故轍益竭公忠以事上耶則無迹於專權之說臣一日不去其所行者即近似而議之則事事皆可以為作威事事皆可以為作福媚媚之讒日譁於耳雖聖明不為之投杼而使臣常負疑謗亦豈臣節之所

宜有乎上慰留之臺至下詔獄擬廷杖遣戍時議藉藉
居正陽䟽救削其籍

晉王新塋薨謚簡王亡子以弟新塢子慎鏡攝府事

前南京兵部尚書王學夔卒安福人正德甲戌進士貞
亮有幹畧贈太子少保謚簡莊

己未兵部左侍郎吳道直兼右僉都御史閱視延寧甘
肅刑部左侍郎王宗沐兼右僉都御史閱視宣大山西
右副都御史邵光先閱視薊遼保定又命陝西糧儲道
右叅政張大忠河南清軍道兼兵備副使田汝穎隨吳
道直山西右叅政劉漢儒河南副使李汝隨王宗

沐天津兵備副使嘉善井陘兵備副使游李勲隨部光
先

泰寧侯陳良弼提督操江罷左府安遠侯柳震前府安
鄉伯張鉉南京前府僉書張時春

庚申命司禮太監孫隆勅諭張居正慰留之

是月階州番平

劉伯燮曰番為邊患亦有年矣非一大懲創不止豈
不與胡異哉自昔將帥竒謀止是招撫故威損而惠
亦褻茲洮州階文非最後一戰欲即寒其心得乎從
容廟堂之上一意信任督撫不惑於再至之言此可

為父任不數易大吏之明驗也

二月乙丑朔辛未臨淮侯李言恭武靖伯趙光遠定遠侯鄧世祿崇信伯費甲金為中左後府僉書新安伯徐夢暘掌前府事

癸酉故南京吏部尚書吳嶽贈太子少保謚介肅分南肇韶廣叅將為二陳璘守高州陳典守肇隆韶廣另設游擊專練兵

乙亥鑄提督會同館關防

命廣西總兵官李錫統轄全省兵務

己卯劉光濟為南京兵部尚書

庚申夜薊遼地震辛巳又震

灤河涸

壬午潘晟為南京吏部尚書

總督薊遼侍郎楊兆報斬速把亥抄化部落功

甲申刑部右侍郎張紳疾去

乙酉翁大立為南京禮部尚書殷正茂為戶部尚書

戊子畢鏘為南京戶部尚書曹三暘為南京工部尚書

己丑府少詹事兼翰林院侍讀學士署翰林院事申時
行署詹事府事王錫爵並纂修玉牒

庚申前戶部尚書王國光上萬曆會計錄上嘉之仍命

戶部再訂以進

壬辰南京大理卿汪宗伊為南京戶部右侍郎督理糧
儲工部右侍郎陶承學為刑部右侍郎大理寺卿沈應
時為戶部左侍郎總督倉場

京城東河澗癸巳城西河亦澗

三月甲午朔惠州瓊崖雷廉叅將兼管海防西路巡海叅
將改陽電海防叅將

乙未劉一儒為大理寺卿巡撫貴州右僉都御史嚴清
為南京大理寺卿

設江西長寧縣割安遠縣馬蹄岡屬之初安遠葉楷世

居黃鄉雙橋間其地峻嶺崇岡介於贛惠汀烏盤峙數
百里有田十八萬畝世傳之不賦至是諸民怨楷訴安
遠令可縣其地從之楷欲叛不克死

丙申役山西民兵赴偏老備邊

丁酉上御文華殿初上習書以大寶箴為影格張居正
進注解一篇至是上覆誦不失一字具解其義至周文
小心曰即兢兢業業之意至縱心於湛然之域曰不過
言人當虛心處事耳

山東巡撫李世達請豁沿海貧軍年久班價從之

戊戌上御文華殿論唐元宗於勤政樓宴安祿山事上

曰樓名佳甚而佚樂何也張四維曰元宗開元之治有三代風至天寶荒佚致播遷之禍初張九齡知安祿山有反相欲因事誅之元宗不聽後幸蜀思九齡先見遣人至嶺南祭之上曰即如此悔無及矣張居正曰無論往代世宗初年西苑建無逸殿省耕勸農末年崇尚元修不復臨幸治平之業亦寢不如初昨講大寶箴云民懷其始未保其終亦是此義上嘉納之

順天府尹曾同亨為右副都御史巡撫貴州兼督湖北川東軍務

辛丑總理河道右副都御史潘季馴巡撫江西太僕寺

卿王之垣為順天府尹巡撫江西右副都御史楊成為
工部右侍郎

南京內官監奉御靳成盜帑千餘金謫戍

劇盜楊鳳鳶伏誅鳳瀏陽人匿寧州盧源峒中流劫
己亥光祿寺卿胡執禮為太常寺卿

命各巡撫年終巡按還朝報王府官賢否如有司例按
其年勞通陞

庚子許雲南開局鑄錢巡按御史郭庭梧言滇中產銅
不行鼓鑄反重價購海肥非利也從之

移定遼右衛於寬奠堡又開永奠堡互市

癸卯巡按直隸御史舒鰲言淮安東陬山人彭胡等於正月十日見海濱男子二十二人服貌俱異問之不答捧夾板公文上書行濟州進貢語不能辯謹遣赴京以聞乃朝鮮貢使也

兵部以土蠻伯言不速把亥攻開原總兵李成梁令入衛李惟一援之戚繼光移兵灤東

福餘衛那顏孛來為都指揮僉事以偵事有功也

丁未初金銀花乏戶部以邊餉二萬二千二百抵進上曰金花銀系正旦折納甚輕又分季解進何嘗累民而積逋至一百六十餘萬一加查覈輒稱催科嚴急豈祖

宗立法之意各撫按其督有司歲解否者并罪撫按戶部左侍郎李幼滋言近來行條鞭法金花與各項錢糧無別詔免雜項錢糧愚民為金花亦在內有司莫辯乞分單開明某戶秋糧若干本折若干金花銀若干漕糧若干倉糧若干某項急某項次庶民便輸納命中外諸司凡事一遵祖法毋忘言更改以滋弊端

庚戌供用庫太監鄭直以香品闕請採廣東二十八萬斤工部議止派八萬斤未允戶科給事中光懋執奏命視嘉六年七年例兩進蓋嘉靖六年六萬斤七年五萬斤